

10) *SEE AMID THE WINTER'S SNOW*

1 Mir, yn mysk an ergh yma
genyz dhyn y'n norvyz ma,
omdhiskwedhyz yw an Oen,
gwryz an amboz koth ragon.

BURDHEN: Myttinweyth vennigyz, hayl !
Bora an Dasprenans, hayl !
Dre Yerusalem kenewgh,
Krist yn Bethlem genyz yw !

2 Ott, yn presepe yma ev
neb a wrug an ster yn nev,
uzi war y dron a-vann,
hag yn mysk an eledh splann.

3 Kowsewgh dhyn, bugeledh vaz,
Pyth yw an nowodhow maz?
Prag y hessowgh agas gre
devezigow war an vre?

4 Pan woelyn yn krez an nos,
gwelsyn golow, klewez tros,
“Kres y'n byz” o kan an lu;
“genyz yw Selwador dhywgh”.

5 Unnvab Duw, A Fleghik sans,
ass o krev ha hweg Dha hwans
a Baradhis doz dhe'n byz
selwel da ha drog keffryz.

6 Dysk dhyn ni, A Fleghik maz,
dre an hwarder yn Dha fas,
boz hevelep orthis sy,
bykken y'th uvelder jy.

- English words by Edward Caswall, 1851.
- Translated from English into Cornish by Ken George, Christmas 1984.
- Usual tune: Humility.